



0755

笑葉館先生文集

笑葉館先生文集

服部文庫  
417  
2112  
17





笑翁詩話卷之五文集

117  
2112  
17

笑翁先生詩稿



送諏得志歸鵝湖

江城西去肅冰霜送別裁詩且勸觴為思大澤名  
山色指畫應忘客路長

立春前一日雪暗草堂小集

南郊逢霽日好慰醉顏寒歌雪裁新賦開樽罄舊歡  
梅餘昨朝色雲送立春看此興期無盡何論歲月闌

江上聞砧

江頭草樹帶霜清波浪秋高砧杵聲誰子扁舟將解  
纜聞來知是不堪情

117 2270



山齋雜覽

臨池機未發點雪影纔清我容他時典待看羽翼成

題畫梅

爾知羅浮夢淡描春依稀猶勝神女態一朝為雨飛

聽話西京勝

春色東山花自求西峯楓樹挂河秋少文元是耽幽  
興更使高談起卧遊

閑居忽憶玉函之遊

竒峰吹起夏雲中高卧園林誰共同終日樽前無一  
事清陰頻促浴沂風

新雪得光字時草堂小集

看雪新成趣傾壺玉競光著花先春樹應為助飛觴

歲杪滕橫穗三子見過同賦得冬韻

玄亭雨雪客相從乘興風流盃自濃為是故人能載  
酒堪教柳絮鬪芙蓉

席上贈滕子騰

羨君一醉中海上步清風須賦南樓月追隨有庾公

送和田伯則從侯駕赴巖邑

鳴蟬六月發江城休唱陽關離別聲一日岐岨從駕  
處十年桑梓故園情



楓亭值雨

一樽携至醉丹楓醉色旋醒送雨風蕭颯猶疑飄葉  
響滿亭留帶夕陽紅

九日泛舟

楓岸素秋晴江湖騷客情舟浮黃菊度酒寄綠波清  
落木緣山徧寒烟含渚生登高吾敢厭聊此濯塵纓

送田生

幾年遊宦學將成別酒離筵惜未傾客路秋風摧錦  
樹知君獨感斷機情

竹間流水

琅玕千畝竹一徑傍流開不待清風起潺湲鳴玉來

讀高子濟遠遊諸篇

才名始見旧風流又識遊方壯志酬西望星文殊劍  
氣豐城萬里不難求

至後林亭宴分韻

纔見梅花白雪枝晴雲含暖坐來移林亭染翰乘餘  
興醉後簾前落照遲

初冬知足亭觀楓分韻

賞追風景勸杯頻深苑留秋又認春設宴何須裁步  
障欄前自列錦楓新



人日有感得遲字

悠：朱羽水星月忽遷移白屋樂飢少空庭催暖遲  
夢迢蒿里路春早綵花枝誰識逢人日獨哀長別離  
過山中見新花開寄宦遊人

聞鶯藜杖倚丘隅一片烟霞此地殊新樹花開春雨  
後知君綠鬢著簪無

仙鶴歌壽岡伯固太翁七十

雙鶴飄然下將雛倚碧松清音迎客和遊樂与心從  
舞傍花前選姿浮酒上濃威儀儼難老元是玉為容  
初夏邀月亭与本文卿同賦得蕭韻

華亭相值月相邀相望園林夜色遙樂地醉鄉應此  
處始知幽意勝春宵

立秋日慎公邀集少林院分韻

白日清涼古梵樓少林精舍属新秋蟬聲近落潮音  
裡露氣初回池水頭一夕開筵千里地三杯避暑幾  
年遊由来此興關詞賦共道風流重可求

獨酬

嗒坐幽栖裡隱心人不知看花吾酌我漉酒彼為師  
不飲將誰待忘憂送年移豈言甘寂莫名利性終遲

送小堀氏從駕世子還熊本



醉駐驪駒歌自驕行裝千騎映春霄共知萬里還鄉  
樂山水追隨興更饒

邂逅野伯脩

十年千里別今夕舊遊歡懷抱飲相見不論霜髮寒  
雨中小集荅滕子騰席上見贈之作

冥：霖雨暗藤蘿愛客相携載酒過卮閣談經玄未  
就風霜侵鬢白還多

秋山早發

山驛稀鐘漏聞雞發翠微生前今日計客裡幾年衣  
霜嶺疑殘月楓崖誤曙輝莫論行路險是向故鄉歸

秋草

負郭天暗望秋芳滿綠蕪誰言謀野處幽賞與春殊  
猶想王孫意尚憐客子孤此生同艸木寧可問榮枯

七夕海樓避暑

銀河萬里大江秋冠蓋追隨避暑遊曲浦雲林分八  
嶺遙天烟霧辨三洲即看欲濟存舟楫不羨乘槎犯  
斗牛此興何應期一夕重將明月擬南樓

青樓夜思

多時獨往畏途春袷服今宵何處新情定燈前還自  
笑慙慙心緒為誰人



題猿橋圖 四言

造舟為梁何施峽路為棧為橋投虛維固下窺谷神  
但見雲霧人代鬼工忠孝以度不堪遙想何由試步  
繪事有益坐得奇趣

席上賦瑤池曲

翠帳風香玉殿開瑤池花發彩雲回管絃歌起深歡  
樂幾度迎春長命杯

寄慰滕子騰

五年為客奉親難空寄征衣故苑寒西嶺白雲朝暮  
思知君此日不堪看

草堂元日

草堂赤水涯春氣朝來佳只遲青陽節玉樹生庭階

首春白賁墅宴別滕子騰

雪裡梅花照別卮贈君新綰翠楊枝凝華白賁還添  
色載酒玄亭猶問奇日隱衡門催駕急鶯啼谷口盡  
杯遲野田春艸迎春興分手如今又感時

新竹

脩竹昔誰栽新梢生遶臺酒樽香自引書帙映相開  
雨洗青愈厚風來吟更催猗猗殊獻色應是待鄒枚

少林院避暑集積雨涼甚



幾歲風流舊梵扉相思詞客此依三山含宿雨沾高  
石林送陰雲寒葛衣物外安禪緣永在人間遊賞願  
多違莫疑總似悲秋感元自清池苦熱稀

夜雨似瀟湘

涼風吹草樹細雨夜霏霏他日觀圖畫蕭條想二妃  
湖邊秋竹響開口漲流飛三戶無人往飄零怨豈希

送松下世民歸南筑

雪後相逢開草扉梅花笛裡媚征衣寧辭更勸一杯  
酒非是山陰興盡歸

題桃源圖

水遠打漁船雲深見犬雞幾度尋源去桃花望不迷

冬日津戾靜好堂陪宴時近冬至

節近高堂會杯盤自不溲一陽雲欲暖酣宴日初低  
深耻巴人調難口琴瑟題有隣關此物既醉獨如泥  
聞本田氏太孺人初度之日令妹新婚有  
客走筆為壽

王母堂前梅正開合歡窓外暖初回鳳簫堪奏將雛  
曲霞閣同銜長命杯

立春日芙蓉館小集

蒼山縣北野人家赤羽橋邊對晚霞帶雪松杉當檻



出報春梅柳傍江斜開樽縱使非醇酒揮筆應須競  
綵花塵事窮陰逃醉裡太平時節弄年華

春雨

林卧冥雲掩風前細雨斜蘿衣覺輕暖應是為催花

題嚴島圖

海潮廊響古珠宮不斷人行踏閣通画手□□何甚  
密三山縮在武江東

布袋贊

掌上捧玉囊中有賄籛者如何

冬月圓

明月晴懸粧鏡樓今宵翠輦有誰留玉階豈問冰雪  
畏坐覺清光似素秋

奉輓烏羽老侯

丘壑逍遙樂何圖化九原春醪纔上壽暑雨忽招魂  
郢客論千載菟裘寒一樽鳴琴餘遠雁空望郭西園

客中聞笛

千山萬里且孤征日暮春風玉笛聲吹落梅花多少  
恨何人忽起故園情

山驛早發

山曉聞雞下碧巖峽間殘月送征鞍幾程行盡今朝



意猶作還鄉夢裡看

題山水圖 二首

潮平江樹浮布帆見風正獨向名山行應是李為姓  
海分兩岸濶雲擁千峯閑借問亭中客去者何處山

湖中晚晴

豈惜天工美陰雲澹未晴蒼山兼樹暗碧水接空平  
坐飽鱸魚膾醉貪葦菜羹秋風閑鏡色更待月華明

永代橋望筑波山

永代橋頭雲霧端墨河秋壘素波寒筑峰晴望孤高  
聳天外遙懸黛色看

郊居歲暮

寂寥城市外山色獨相看帝力千村足舜歌萬國歡  
詩思助酒就心事尋梅寬自笑將樽散復斯保歲寒

雪中曉發

雨雪曉行急前程已皎然不見撲衣影只疑殘月懸

落葉埋蹊

霜後楓林夕照低行：落葉埋幽蹊看來為惜秋光  
盡欲踏徘徊駐馬蹄

故城秋望

城基秋老此攀躋日暮荒烟風色迷處：楓林紅且



二荒字疑有  
一誤

落血痕猶怪濺荒蹊

擣衣曲

霜落城南木葉飛年々征戍幾人歸阿即一別音書  
斷獨自空閨懶擣衣

夜看市

季冬連日夜列肆各相呼土物控諸郡家供周一都  
千燈通巷照長袖少年俱大市年々觀繁華此地殊

郊行遇雪

飛雪回車向酒旗黃烟何處習家池但憐酩酊衝寒  
霧人道山公倒接羅

早春芙蓉館小集

雪後

芙蓉花發酒家春醉裏相逢興每新莫怪園中餘雪  
□滿筵渾見郢歌人

鶯將出谷 分韻

曳杖臨郊向林溪知歲華柳條風外雪梅嶺雨餘花  
軒翥窺黃鳥氤氳動暖霞柴扉雲發應是子真家

春雨獨酌

雨中誰和歌寂寞奈愁何眠柳稀黃鳥平湖長綠莎  
草泥應惜踏訪友一無過獨酌寒難敵初衣襲薜蘿

首夏山寺賞餘花



塵事春看過一攀蕭寺烟節遲花互發境迥綠遙連  
黃鳥尋芳喚晴雲傍酒鮮即知香界色常住異人天

入梅七日未雨有賦

每念耕耘苦漢家祈有年崩山曲難奏霖雨操誰傳  
鶴埵乾朝露鏡池屯小鮮晚來風且冷遙嶺起雲烟

風光草際浮

設坐青郊卮開樽遲日風王孫歸未擬謝弟夢初通  
蔬富春疇裏蘋輕綠水中浮遊時正靜熙樂野花叢

春盡逢賣花翁

紅花隨逝水綠樹暗千林似賣傷衰意因驚撫壯心

惜春寧艷色添興屬幽襟借問霜容子知吾感慨深

立秋後六日集少林院分韻

清涼不管早涼催話曰相逢妙有臺總為風流多古  
意鳴蟬落日共徘徊

紅葉送人

霜林送別馬蕭蕭紅葉攀來當柳條知爾彩毫裁錦  
字明朝還向故鄉驕

題画牡丹

画裡一枝艷留春枕上香只憐供國色不問漢宮粧  
早春雪懷伯華



北風吹雪滿柴闌濁酒相憐病裡顏十載同袍寒敝  
盡白頭空望玉函山

初春雪後芙蓉館小集分韻

餘雪春風媚綠柯芙蓉侵色發巖阿今宵不盡山陰  
興旧話猶存郢裡歌

題合浦捧珠圖

藏千仞之淵光九州之中者珠耶居幽遠之境顯青  
雲之上者德邪有德有報小人失焉君子以得不忤  
不求古人所減去而還者合浦之珠耶一餐之恩猶  
是不忘况施民濟衆勞來稱政殊

梅花下飲分韻

寧論歲華淺幽賞有梅花勸醉風飄雪凝香顏駐霞  
穿林春月上倚檻美人斜此興休吹笛怨情同趙家

南浦秋泛分韻

乘晴舟出郭積水杳無涯白鷺群洲渚紅楓垂石崖  
鰲鉤映浪下蜃氣浮樓佳一夕携新酒三盃慰壯懷

春晴分韻

園林收積雨江水映花亭丹嶂明斜日白波連杳冥  
鳥聲迎霽悅艸色入看青我亦牽風候高歌倒玉觥

嘗新醪



樽中新黍酒，牀上太玄經。  
臘宴憐頭白，夜行緣眼青。  
醉鄉談更劇，凝水漏稀聽。  
鐘盡猶酣飲，從他此草亭。

登鐘樓寄避暑人

幽境誰憐避暑心，鐘樓此夕一登臨。  
聲傳覺夢群生靜，音轉清涼東海深。  
斜照烟濃平野艸，青標風度古禪林。  
寄言諸子來遊宴，寧問浮舟何處尋。

江城樂 二首

江城春駘蕩，花樹鳥聲驕。  
樂土期斯地，時來興轉饒。  
近郊含海色，春野采麻新。  
自是厚生地，厚生有其人。

春夜對月

夕一作日

乘暗初月照，園春花影猶。  
疑白雪新詩句，欲窮終夜色。  
雞聲忽報向清晨。

繪島觀濤

風濤遙拔雪山來，繪島真飛珠玉開。  
偏怪潮聲聞更異，渚秋身在妙音臺。

暮春白賁墅同諸子賦

西莊花樹坐來繁，寂寞荒亭賴一尊。  
猿鶴山幽迎客至，桑麻人滿似雲屯。  
響清橫笛千竿竹，飲足香芹三戶村。  
欲草太玄頭耻白，偏欲載酒賁丘園。

春水滿四澤



青郊春滿雨餘山。隨意江湖醉酒還。翠柳綠波相映  
遍垂綸。何處弄潺湲。

箕冢母太人七十壽章

三花春競筆花光。更倚仙樓勸壽觴。豈有滿頭霜氣  
染如雲鬢髮墨池長。

人日玄對居贈梅溪且謝席上投山水圖

相逢玄對會。何必問平生。今古畫圖裡。唯存立處情。

悟賞庚七祀忌日恭賦奉几筵前

悟賞風流久。不忘幽莊回首樹蒼蒼。新篇曾賦桃花  
雪古寺還哀柏葉霜。追遠一時愁裡過。知音三世夢

中長未能親拜丘。瑩去空望西州淚濕裳。

復晚竹飲得支韻

移榻竹林下。斜陽讓酒卮。欲和我長嘯。清風取醉時。

六月八日少林院避暑集奉追和王父人間

勿二作

避暑鳴蟬落日閑。暫時思句謝人間。勿二烟景三十  
載。祇樹秋風幾度攀。

寬政二年庚戌六月十一日即事

一月暑如燬。今朝陰碧空。重雲纔送雨。雲雨散飄風。



貞護夫人小祥祭日恭賦呈字和少將侯  
駒隙匆：歲月除人間覺夢復何如關雎曾說陪筵  
際黍稷今哀陳簋初野艸嬋娟當暑變山林窈窕望  
秋疎欲酬詩句平生意琴瑟空存感慨餘

立秋夕涼風未至炎熱猶烈得虞韻

何處涼風度未逢炎暑驅雲峯雨不起蟻垤鶴空呼  
流潦誰知術盈溝幾設雩終宵蒸更苦偏自憶江湖

送源叔驥番衛大坂

于役閔河暑未收行裝嚴映浪華州帶山重鎮當西  
土擁海前圖領上游舊友離情瓜熟日新詩遠興雁

來秋昇平好有如椽筆携去何人鬪自由

新涼得微韻

山亭日暮早涼歸倚檻秋風吹葛衣星在池中銀河  
散天浮酒上白雲飛

郊行值雨冷甚遂尋友人莊

好是窮途客深莊避雨留談農知作苦謀野得交遊  
籬外砧聲濕簷前樹色愁幸聞新黍酒可以敵涼秋

十四夜玉卮亭集

雨歇雲歸星嶺隅一輪清鏡映冰壺艸蟲吟穩迎詞  
客衣露寒生促酒徒銀燭光兼銀漢徹玉卮秋倚玉



欄殊陰晴天上元難卜明夜何知新月孤

實詣尊者見贈蘭花繫見以玉韻即事賦奉

和謝

世事匆々隔上方相思飛贈秀蘭香鳴琴縱使歌無  
恙久愧摩尼衣裡光

江樓夕望

歸帆不斷掛秋風衆鳥高飛度碧空獨有扁舟侵霧  
露羊裘月上夜漁家

奉謝金相侯九月八日見贈菊花及魚

荒庭秋色得花新何幸幽情遠憶人堂上有魚兄弟

酒陶家今日不憂貧

奉答管臯君九日見寄

滿眼黃花秋未闌常愁不得半日閑風流多謝猶無  
恙明日期陪彭澤看

紅葉庵女僧

風霜唱偈六時閑黛色相憐楓樹山遁世懶題紅葉  
錦捨身休問綠雲鬟

初冬上東叡山得支韻

東山烟景獨遊時孰飲何須命酒卮秀出高松依寶  
閣群呼寒鳥沸滄池霜微猶掛紅楓錦風暖曾攀花



樹枝今日偶尋丘壑趣放情臨眺步遲

雪後東友人

雪後千林寒色分交歡世事久離群牀頭臘酒今初  
熟與到將閑獨待君

歲杪玉卮老矣集子宥君不至 侵韻

交歡詩酒宴一醉屬窮陰春覺朋樽座情高子墨林  
優遊冬夜興各負歲寒心只恨歌呼處車公少好音

松鶴篇阿南氏九十壽詞

長松繁翠對南山白鶴來棲日月閒同氣由來知所  
託年光九十自仙顏

雨中看花

開花紅粉是好雨足遊觀似傲妝前色還憐浴後看  
只催終日醉更引幾人歡坐見青樽興春闌芳未闌  
會見田子春云先期歸

春寒寄怨花人

相逢還世事世事又離群非有前期在何堪酒半醺  
芳樹風寒猶未濃春天雲暗掩千峰知君日待携樽  
酒何似飛花為雪重

春霧 得瓊字

一朝翠霧籠園深起坐恍然罷抱瓊鶯語花香聞自



迷空濛疑是在陰洞

暮春摘芳館陪遊

嚶鳴遲日此相求境遠青樽興自幽  
衆鳥花間呼哈  
白雲峰上靜悠悠韶和簾笠連平野  
斜照烟霞媚  
一丘春遍深園何所摘爭裁麗句逐芳流

鈴木氏五十初度宴

二月春風梅柳開黃鶯呼友和歌年壽星况有臨筵  
照滿酌何辭長命杯

春憶昔遊

獨坐開簾坐風烟憶旧盟野厨蒼野宴春服暮春成

下坐字疑有誤

飲酒憂何識看花感未生難忘舞雩詠從事浴沂情

夏夕過永代橋

永代橋頭萬里風東南天濶海潮通舟舩日暮乘涼  
下多少懸燈洲渚中

春日訪隱者得陽韻

共厭塵埃境偏憐幽興長相看非咫尺遊賞異尋常  
千樹來蒼翠春山變景光今朝思汝出何必事探芳

失題

西莊話旧勸盃遲不覺交歡淑景移幸有園梅花未  
落関山萬里慰離思



奉謁

東啟大王

輪轉鸞輿寶地停玉樓金閣見  
天庭恩波賜宴池頭浴廣樂陪  
歡臺上聽霞色  
夕凝台嶽紫雲光春送竹園青叨依  
帝子蓮花座誰道微軀似客星

風前花

風起園花散紛點酒清只言真似雪未入惜春情

滕子騰川幹夫見過告別席上賦贈

玄亭春老草萋萋四望千山綠樹迷惜別侯芭俱載

酒促歸何事子規啼

初夏山亭飲時滕子孝將歸鄉得心字

相携永日此登臨雨至兼堪洗俗襟櫻樹都看依旧  
影松濤無恙和歌音積年各解文章事帶別猶同丘  
壑心不惜將歸傾酒殘交情何似夏山深

歲杪燕市飲

歌因燕市癸氣倚酒樓豪交態憐荆筑歲寒思范袍  
從他班固筆知己呂虔刀人世當如此且徧傾濁醪

暮秋泛南浦得舟字

南浦天晴乘碧流高秋暇日暫優游慣看空水三田



樹借問安檣萬里舟投餌沙邊巨口迺近人波際白  
鷗浮興來使忘人間世何羨乾坤到十洲

蕉隱公子承

朝命出為後於林祭酒恭賦奉呈

幾年蕉隱玉壺輕忽奉 徵書寵遇驚茶講聖經懷  
道直還狂士假顏清五行並下才誰敵一貫傳來學  
已成 昭代更逢文運起青雲共指搢紳榮

將赴湘中呈一山和尚

旅服霜清向玉函行杯許傍梵樓含借君象外神通  
力直迸溫泉浴碧巖

思

九日送酒友人

佳節登高誰共親黃花獨映滿籬新知君近乞龍山  
興濁酒聊分落帽人

歲杪笑藻館小集

寒光高歲杪春意動園林不問芙蓉色相依梅樹陰  
歌吟同結社四五足知音初發誰成句樽前興更深

赤羽橋春望

平生恨負郭春至步江臯雲暖青山樹霞浮赤水濤  
行憐兒女戲或見旅人勞明日海亭事正堪携濁醪

山驛夜雨分韻



山亭秋雨夜轉使客心傷溪漲流逾激林圍響更長  
目窮疲鳥道阪折苦羊腸搖動聲難定無遑夢故鄉  
仲春送邊廷輝從恐老炭浴熱海溫泉  
浴罷新揮旧彩毫驚看熱海入滔觀遊今日堪酬  
志不待風烟八月濤

為小川子誠壽乃翁七十母大人六十

安穩廣陵客且聞初度辰家藏難老藥島占駐顏春  
頃就諧佳耦欲消全此身赤松稱有子更喜奉雙親

墨河春泛

恰好同騷客墨河聊避喧長堤花曳練垂柳綠侵樽

古塚梅兒在詠歌鷗鳥存醉中春興足不必問桃源

郊外歲暮 重出

寂寥城市外山色獨相看帝力千村足舜歌萬國歡  
詩思助酒就心事尋梅寬自笑將樽散復斯保歲寒  
東海寺席上呈一心尊者

幽趣招提境相迎情不踈清談今雨興多景百花初  
鶴影連金錫松音和木魚淵明老貧酒依旧醉匡廬

山莊春意

南山春樹靜幽處谷鶯未徹嶽纒堪采芟荷行擬裁  
貪閑非避世耽酒為思詩老去疲交態蓬門未肯開



雪中聞鶯

啼鶯風雪樹看怪落花飛未覺寒光盡暗知春氣歸  
貧園飄玉屑勸酒振金衣今夕將裁賦偏憐谷口扉

對琴待月

欲試彈琴趣初逢清夜烟山頭堆白雪峽裡響流泉  
擇處親塵外適情在月前誰為同調□此興獨堪憐

客中遇雪

此境驚奇絕初堪客裡看海風天末勵山路馬前難  
微霰撲衣走層雲湧岫寒雪華迷咫尺忽爾失林巒

九月節後芙蓉館集得麻韻

牆東塵事近不復似陶家故態生前契醜顏佳境霞  
助歡餘菊蕊休道老蓮花只賴諸君過猶教紗帽斜

冬日陸沈亭集

催雪黃雲寒色高好將酒力對同袍相看自似虛舟  
泛浮白應供作賦勞

客中聞笛

重出

千山萬里且孤征日暮春風玉笛聲吹落梅花多少  
恨何人忽起故園情

雪中芙蓉館集

雪裡一樽朱水傍半酣揮筆各成章今宵幸賴凝華



色誤放芙蓉初發光

寄懷靜山大夫在玉笥山

玉笥山高黛色浮開樽明月上峰頭清光縱值良宵  
興也自相思武野秋

江亭春夜宴

開樽樽亭上夜雲高響送春江月裡濤况有花香添勸  
酒欲酬佳興在揮毫

雨中秋望

淒風霖雨野人居泥濘誰枉下澤車寧惜園林搖落  
促蕭條莫使故遊疎

瑞雲公子十三祀忌日謁玄性院法筵作  
寒來暑往幾傷心此日焚香聽梵音寶地自從埋玉  
樹猶餘霜葉倚禪林

雪中曉發重出

雨雪曉行急前程已皓然不見撲衣影只疑殘月懸  
仲春此瞻亭集飲時主人子騰歸省在近分  
韻東字

一壑詞人此處同只言明日各西東解顏談笑文章  
會握手交情去住中遲景開樽酬淑氣到時扇枕獻  
清風山亭盡醉忘歸坐花逐飛觴夕陽紅



重陽前一日見招飲此瞻亭分字 六言律

迎節秋光不踈相逢話旧平居坐移彭澤看菊家至  
武昌食魚且喜雙鴻勸酒猶飲千里携書客皆戀  
乘興主自依：望虛

烏羽老疾六十誕辰

青樽清興對松筠歌就瓊琚捧壽人觴引玉川流水  
色筵開朱邸舞衣春祥知天保周孫子才見文章漢  
旧臣棲隱相期多樂事看山日：瑞烟新

題太白觀瀑圖

烟密廬山樹鬱蒼峽間飛瀑入雲長天才縱使人中

滴猶在飄然河漢傍

白賁墅同滕子騰穗士方賦

時携雅夫二  
兒得仄韻

曳枝西莊忽有梅一樽倚暇剪蒿萊  
遷鳴幽谷鶯同伴携至蓬門客自開  
松菊徑存花下榻芙蓉雪落掌  
中盃采真遊賞須知足醉裡聊歌歸去來

節後謝人送酒

搖落平生思我徒投來新黍味知殊  
清貧憐乞黃菊酒得醉君家白玉壺







